

დღეის უმი

ცაგერის მუნიციპალიტეტის საკრებულოსა და მერიის საინფორმაციო გამოცემა №7 (53) ივლისი, 2022 წელი

ცაგერის მუნიციპალიტეტის საკრებულოში მორიგი სხდომა გაიმართა (6.07.2022 წ.). სხდომა გახსნა და დღის წესრიგი გააცნო დეპუტატებს ცაგერის მუნიციპალიტეტის საკრებულოს თავმჯდომარემ **ჭაბუკი ჭაბუკიანმა**.

სხდომას ესწრებოდა ცაგერის მუნიციპალიტეტის მერი **გიორგი ნემსაძე**, ასევე მერიის თანამდებობის პირები.

მიღებული იქნა **განკარგულებები**:

საქართველოს რეგიონებში განსახორციელებელი პროექტების ფონდიდან ცაგერის მუნიციპალიტეტში 2022 წელს



საკრებულოში

დაგეგმილი ინფრასტრუქტურული პროექტების მოწონების შესახებ (მომხსენებელი **სოფო გვიშაიანი**).

ცაგერის მუნიციპალიტეტის საკუთრებაში არსებული მოძრავი ქონების, ასინიზაციის ავტომატის DAF-ის (ყვითელი ფერი, სახელმწიფო სარეგისტრაციო ნომერი EDE 012, საბალანსო ღირებულება 9500 ლარი) პირდაპირი განკარგვის წესით, სარგებლობის უფლებით (უსასყიდლო უზუფრუქტი) შ.პ.ს. „მანქანა-ტრაქტორთა პარკის“-თვის (დირექტორი დ. ქარსელაძე) გადაცემაზე მერისთვის თანხმობის მიცემის თაობაზე (მომხსენებელი **ბონდო კოპალიანი**).

ცაგერის მუნიციპალიტეტის საკუთრებაში არსებული მოძრავი ქონების ექსკავატორი CUKPOVA-ს (ყვითელი ფერი, სახელმწიფო სარეგისტრაციო ნომერი LV242V, საბალანსო ღირებულება 62034.20 აშშ დოლარი) პირდაპირი განკარგვის წესით, სარგებლობის უფლებით (უსასყიდლო უზუფრუქტი) შ.პ.ს. „მანქანა-ტრაქტორთა პარკის“-თვის (დირექტორი დ. ქარსელაძე) გადაცემაზე მერისთვის თანხმობის მიცემის თაობაზე (მომხსენებელი **ბონდო კოპალიანი**).

ცაგერის მუნიციპალიტეტის საკუთრებაში არსებული

მოძრავი ქონების, ბულდოზერი კატეგორიის D8R-ის (ყვითელი ფერი, სახელმწიფო სარეგისტრაციო ნომერი EB-230, საბალანსო ღირებულება 720 000 ლარი) პირდაპირი განკარგვის წესით (უსასყიდლო უზუფრუქტი) სარგებლობის უფლებით შ.პ.ს. „მანქანა-ტრაქტორთა პარკის“-თვის (დირექტორი დ. ქარსელაძე) გადაცემაზე მერისთვის თანხმობის მიცემის თაობაზე (მომხსენებელი **ბონდო კოპალიანი**).

ცაგერის მუნიციპალიტეტის საკუთრებაში არსებული ქონების „ცაგერის მთავარი ბიბლიოთეკის სოფ. ჭალისთავის განყოფილების წიგნადი ფონდის“ ქვედა ცაგერის საჯარო სკოლისათვის სარგებლობის უფლებით გადაცემის შესახებ“ ცაგერის მუნიციპალიტეტის საკრებულოს 2008 წლის 26 დეკემბრის №306 განკარგულების ძალადაკარგულად გამოცხადების თაობაზე (მომხსენებელი **ბონდო კოპალიანი**).

ცაგერის მუნიციპალიტეტში მეორე კვარტლის მონაცემებით მიმდინარე ინფრასტრუქტურული პროექტების შესახებ (მომხსენებელი **მამუკა ხაბუღიანი**).

„ცაგერის მუნიციპალიტეტის საკრებულოს კომისიების შემადგენლობის ცნობად მიღების შესახებ“ ცაგერის მუნიციპალიტეტის საკრებულოს 2021 წლის 3 დეკემბრის №83 განკარგულებაში ცვლილების შეტანის თაობაზე (მომხსენებელი **თამაზ ჭაბუკიანი**).

ამით საკრებულოს სხდომამ მუშაობა დაასრულა.

მეწარმე ქალთა ფორუმზე

ბიზნეს ფედერაციის „ქალები მომავლისთვის“ ორგანიზებით, ამბროლაურში მენარმე ქალთა ფორუმში გაიმართა, რომელსაც რაჭა-ლეჩხუმ ქვემო სვანეთის მხარის ქალი მენარმეები ესწრებოდნენ.

ფორუმის მონაწილეებს ბიზნეს ფედერაცია „ქალები მომავლისთვის“ სამეთვალყურეო საბჭოს თავმჯდომარემ **ნინო კობახიძემ** და რაჭა-ლეჩხუმ სვანეთის მაჟორიტარი დეპუტატის ბიუროს ხელმძღვანელმა **ქრისტინა კობახიძემ**, სხვადასხვა სააგენტოსა და საბანკო სექტორის წარმომადგენლებთან ერთად, ბიზნეს ინვესტიციების განხორციელებისთვის საჭირო მიმართულებები გააცნეს და დეტალურად ისაუბრეს იმ საგრანტო პროგრამებზე, რომლებიც ბენეფიციარებს სამენარმეო საქმიანობის განვითარებაში დაეხმარება.

ლონისძიება დაეთმო პოსტ პანდემიური კრიზისების მართვას და მოიცავდა პანელურ დისკუსიას ისეთ თემებზე, როგორიცაა ბიზნეს ინვესტიციები და ხელშეწყობა, ადამიანური რესურსები და პროფესიული განვითარება, ვორკშოპებს – გაციფრულების დაჩქარების, სამენარმეო და შრომითი კანონმდებლობის ცვლილებებსა და მნიშვნელოვან ასპექტებზე, ასევე ინდივიდუალურ კონსულტაციებს მენარმე ქალებისთვის.

ლონისძიებაზე ერთ-ერთი პანელი დაეთმო ფინანსებზე ხელმისაწვდომობის სხვადასხვა პროგრამებს, როგორიცაა სოფლის განვითარების სააგენტოს, ინოვაციების და ტექნოლოგიების სააგენტოს, ქეა საქართველოსა და სტრატეგიული განვითარებისა და კვლევების ცენტრის პროგრამებს, ასევე თიბისი ბანკისა და საქართველოს ბანკის მიმდინარე საბანკო პროდუქტებს, რომლებიც მენარმეობის განვითარების მიმართულებით მოქმედებს.



წარმომადგენელი უმცირესი რაიონი



დადგა ის დრო, როდესაც ჩვენმა ძვირფასმა ახალგაზრდებმა თავიანთი ცოდნის ღირსეული შეფასება უნდა დაიმსახურონ და ცხოვრების ახალი ეტაპი დაიწყონ – სტუდენტობის წლები.

ლეჩხუმელი პედაგოგები ყოველთვის საუკეთესოდ მომზადებულ ახალგაზრდებს გზავნიან ეროვნულ გამოცდებზე.

ჩემო ახალგაზრდებო, საქართველოს უმაღლესი სასწავლებლები, სადაც სწავლას განაგრძობთ, თქვენს ცოდნას გააღრმავებენ და საუკეთესო პროფესიონალებად ჩამოყალიბდებით, თქვენი იმედი აქვს ჩვენს უღამაზეს კუთხეს და სამშობლოს.

წარმატებებს გისურვებთ! დიდი სიხარულით დაგეგვირგინებინოთ თქვენი შრომა, განათლების მისაღებად დაუშურველი!

პატივისცემით, **გიორგი ნემსაძე**,
ცაგერის მუნიციპალიტეტის მერი

განახლებული რეგიონები

რაჭა-ლეჩხუმი-ქვემო სვანეთის სახელმწიფო რწმუნებული პაპუნა მარგველიძე, ცაგერის მუნიციპალიტეტის მერთან – გიორგი ნემსაძესთან და საკრებულოს თავმჯდომარესთან – ჭაბუკი ჭაბუკიანთან ერთად მერიის სტრუქტურული ერთეულების ხელმძღვანელებს შეხვდა.



შეხვედრაზე განიხილეს მუნიციპალიტეტის მასშტაბით მიმდინარე ინფრასტრუქტურული პროექტები, მათ შორის, ქალაქ ცაგერში პრემიერ-მინისტრის ინიციატივით მიმდინარე პროექტი „განახლებული რეგიონები“, რომელიც კოსტავას და რუსთაველის ქუჩებზე ფასადების განახლებას და ლადო ასათიანის სახელობის სკვერის რეაბილიტაციას ითვალისწინებს.

ისაუბრეს აგრეთვე იმ პროექტებზე, რომელთა განხორციელებაც შესაძლებელი იქნება ახლო მომავალში.


სახელმწიფო რწმუნებულმა ანგარიში მოისმინა სამსახურების ხელმძღვანელებიდან და დეტალურად გაეცნო სხვადასხვა სფეროში არსებულ მდგომარეობას და გამოწვევებს.

სამუშაო შეხვედრას ესწრებოდნენ სამხარეო ადმინისტრაციის წარმომადგენლები და ცაგერის მუნიციპალიტეტის მერის მოადგილეები.



პროექტი - მწვანე ეკონომიკა

ცაგერის მუნიციპალიტეტის მერის პირველმა მოადგილემ ალუდა თუთისანმა, პროექტ GRETA-ს ხელმძღვანელს – რიკარდო მონტანარს და მდგრადი სამთო ტურიზმის განვითარების მიმართულებით პროექტის მენეჯერს – ირაკლი კუციას უმასპინძლა.



პროექტი GRETA „მწვანე ეკონომიკა: მდგრადი სამთო ტურიზმი და ორგანული სოფლის მეურნეობა“-ს ევროკავშირის, ავსტრიისა და შვედეთის მხარდაჭერით, საქართველოში ავსტრიის განვითარების სააგენტო ახორციელებს.

პროექტი მიზნად ისახავს ბიზნეს-გარემოს გაუმჯობესების ხელშეწყობას და დამატებითი შემოსავლის შექმნის შესაძლებლობის

გაზრდას ეკონომიკის ორ ისეთ მნიშვნელოვან სექტორში, როგორებიცაა სამთო ტურიზმი და ორგანული სოფლის მეურნეობა.

პროექტი მოიცავს მესტიის, ლენტეხის, ცაგერის, ონის, ამბროლაურის, საჩხერის, ჭიათურისა და ტყიბულის მუნიციპალიტეტებს.

სტუმრებმა დაათვალიერეს ცაგერის ტურიზმის ცენტრი და მის ხელმძღვანელთან, ნიკა ჩაკვეტაძესთან ერთად ისაუბრეს შემდგომ თანამშრომლობაზე ტურიზმის ხელშეწყობის კუთხით.



შეხვედრა ვებინარების საშუალებით

სახელმწიფო სამსახურის

ხელმძღვანელებთან

ვეტერანების საქმეთა სახელმწიფო სამსახურის დირექტორი, გენერალ-მაიორი კობა კობალაძე, რეგიონებში ვიზიტის ფარგლებში, ცაგერის მუნიციპალიტეტის მერის მოადგილეს, რევაზ ახვლედიანს და ადგილობრივ ვეტერანებს შეხვდა. შეხვედრაზე, კობა კობალაძემ, იმ გეგმებზე ისაუბრა, რომლებიც რეგიონში მცხოვრები ომისა და თავდაცვის ძალების ვეტერანების სოციალური და ეკონომიკური მდგომარეობის გასაუმჯობესებლად პრიორიტეტული პროგრამების შემუშავებას ეხება.



ვეტერანებმა, მათთვის ყველა მნიშვნელოვან კითხვაზე მიიღეს პასუხი. განსაკუთრებით გაესვა ხაზი რეგიონში მცხოვრები ვეტერანების სოფლის მეურნეობის პროგრამებში ჩართვის შესაძლებლობებს და პერსპექტივებს.

შეხვედრას, ასევე, ესწრებოდნენ ვეტერანების საქმეთა სახელმწიფო სამსახურის რეგიონული მართვის დეპარტამენტის უფროსი, ლევან ამირიძე, რაჭა-ლეჩხუმისა და ქვემო სვანეთის სამმართველოს უფროსი, ბესიკ ბაქრაძე, ცაგერში სამსახურის წარმომადგენელი, მირიან მურცხვალიძე, საკრებულოს „უმრავლესობის“ ლიდერი ონისე ჩაკვეტაძე და ადგილობრივი თვითმმართველობის წევრები.

მოგვიანებით, კობა კობალაძე, „ომისა და თავდაცვის ძალების გურიის ვეტერან ფერმერთა ასოციაციის“ პრეზიდენტი, გიორგი არველაძე, სამსახურისა და ადგილობრივი ხელისუფლების წარმომადგენლები, ცაგერში, თხის რძის გადამამუშავებელ საწარმოს, „გვესოს ფერმას“ ესტუმრნენ; მათ დაათვალიერეს ფერმა და გამოცდილების გაზიარების მიზნით,



მის დამფუძნებლებს – გიორგი გასვიანსა და მის მეუღლეს, ნატო ბენდელიანს გაესაუბრნენ, რომელთაც, თავის მხრივ, გურიის ვეტერან ფერმერთა ასოციაციასთან თანამშრომლობენ. მასპინძლებმა, საკუთარი გამოცდილებისა და ცოდნის ვეტერანი ფერმერებისთვის გაზიარების სურვილი და მზადყოფნა გამოთქვეს.

დღეისათვის, „ომისა და თავდაცვის ძალების გურიის ვეტერან ფერმერთა ასოციაცია“ 155 ვეტერანსა და ორ კოოპერატივს აერთიანებს. ვეტერანების საქმეთა სახელმწიფო სამსახური განაგრძობს ომისა და თავდაცვის ძალების ვეტერანთა სხვადასხვა აგრარულ და სოფლის მეურნეობის პროგრამებში ჩართვის ხელშეწყობას.

30 ივლისი ქვეყანაში გლოვის დღედ გამოცხადდა!

ცაგერის მუნიციპალიტეტის მერია და საკრებულო ღრმა მწუხარებას გამოთქვამს გუდაურში შინაგან საქმეთა სამინისტროს სასაზღვრო პოლიციის ვერტმფრენის ჩამოვარდნის შედეგად ეკიპაჟის წევრების, მამულებისა და ექიმების დაღუპვის გამო.

სამძიმარს ვუცხადებთ დაღუპულთა ოჯახის წევრებს, ახლობლებს, შინაგან საქმეთა სამინისტროს ხელმძღვანელებსა და სრულიად საქართველოს.



29.07.2022

გაეროს განვითარების პროგრამის ფარგლებში

ცაგერის საჯარო სკოლაში გაეროს განვითარების პროგრამის „მთელი სიცოცხლის განმავლობაში სწავლის შესაძლებლობის გაუმჯობესება ადგილობრივი პარტნიორობის გამოყენებით“ პრეზენტაცია გაიმართა.


აღნიშნული საგანმანათლებლო პროექტის

პრეზენტაციას უძღვებოდა პროფესიული განათლების შრომის ბაზრის უფროსი, ეროვნული კონსულტანტი რევაზ საყვარელიძე.

პროექტი ფინანსდება ევროკავშირის და გაეროს განვითარების პროგრამის მიერ, განათლებისა და მეცნიერების სამინისტროს ჩართულობით.

განხილვის თემა გახლდათ პროგრესი პროექტში და მოთხოვნილი პროფესიები. შეხვედრაზე იმსჯელეს აღნიშნულ პროგრამაში ცაგერის მუნიციპალიტეტის სამომავლო ჩართულობის ფორმასა და შესაძლებლობებზე განათლების კუთხით. მუნიციპალიტეტი აირჩევს პროფესიული განათლების რამდენიმე მიმართულებას, რაზეც იქნება შემდგომი ორიენტაცია.

შეხვედრას ესწრებოდნენ ცაგერის მუნიციპალიტეტის მერის მოადგილე რევაზ ახვლედიანი, საკრებულოს თავმჯდომარის მოადგილე მარიკა კოპალიანი, საგანმანათლებლო რესურს-ცენტრის უფროსი ირაკლი სილაგაძე.



მიმდინარეობს ნაპირსამაგრი სამუშაოები

ცაგერის მუნიციპალიტეტის სოფელ ჩხუტელში (ჭალებთან და სტადიონთან), მდინარე ცხენისწყალზე, ნაპირსამაგრის სამუშაოები მიმდინარეობს.

ენყობა ნაპირსამაგრი ნაგებობა ქვის მყარი ჩალაგებით.

სამუშაოების მიმდინარეობის პროცესი ადგილზე მონიშნულეს ცაგერის მუნიციპალიტეტის მერმა გიორგი ნემსაძემ და მერის მოადგილემ რევაზ ახვლედიანმა.

პროექტს ახორციელებს შპს „Georgian Build“

სახელშეკრულებო თანხა არის 885529 ლარი.



12 ივლისს მართლმადიდებლური სამყარო პეტრე-პავლობას აღნიშნავს! გილოცავთ პეტრე-პავლობის დღესასწაულს, წმინდა მოციქულის ხსენების დღეს!



უხვი ნალექის შედეგად

სტიქიის სალიკვიდაციო სამუშაოები, მუნიციპალიტეტის სამ სოფელში – ზუბში, მახურასა და ისუნდერში ჩატარდა.

რაჭა-ლეჩხუმ-ქვემო სვანეთის სახელმწიფო რწმუნებულის პირველმა მოადგილემ – გიორგი მაქარაშვილმა მიმდინარე სამუშაოები ცაგერის მუნიციპალიტეტის მერთან – გიორგი ნემსაძესთან, მერის მოადგილეებთან, ალუდა თუთისანთან და რევაზ ახვლედიანთან ერთად მონიშნულა და ვითარებას ადგილზე გაეცნო.

შეკეთდა და გაინმინდა წვა-ლორღისგან გზები, გაიჭრა და გასუფთავდა არხები.

სტიქიის სალიკვიდაციო სამუშაოების პარალელურად, აქტიურად მიმდინარეობს დროებითი სამუშაო ჯგუფის მიერ მიყენებული ზარალის დათვლა.

2 ივლისს უხვი ნალექის შედეგად ადიდდა მთის მდინარეები, გადმოვიდა კალაპოტიდან, რის გამოც დაზიანდა საავტომობილო გზა, დაიტბორა სასოფლო-სამეურნეო საფარგულები, ეზოები და დამხმარე ნაგებობები.



უკეთესი რეალიზებისთვის

ცაგერის მუნიციპალიტეტის მერიაში, მუნიციპალიტეტში მცხოვრები „შეზღუდული შესაძლებლობის მქონე პირთა საკითხებზე მომუშავე საბჭოს“ მორიგი სხდომა გაიმართა, რომლის თავმჯდომარეა მერის მოადგილე **რევაზ ახვლედიანი**.


სხდომაზე განიხილეს ცაგერის მუნიციპალიტეტის შეზღუდული შესაძლებლობის მქონე პირთა საკითხებზე მომუშავე საბჭოს დღის წესრიგით გათვალისწინებული შემდეგი საკითხები:



შ.შ.მ. პირთა პროფესიული გადამზადების პროგრამის შესახებ (მომხსენებელი **ჯონი ხალიანი**).

შ.შ.მ. პირების დასაქმების წინადადებების შემუშავება და რეკომენდაციების განევა დაწესებულებებისათვის (მომხსენებელი **დავით ჩაკვეტაძე**).

მიმდინარე წელს იგეგმება სხვადასხვა ღონისძიება მუნიციპალიტეტში მცხოვრები შ.შ.მ. პირების შესაძლებლობების უკეთესი რეალიზებისათვის.



მინიატურა

ვენახში



ივლისია, ვენახში ნამლობა, მწვანე ოპერაციები, „ცის გახსნა“ დასრულდა. ახლა მტევანი თვალსა და ხელს შუა მსხვილდება, მალე ფერსაც შეიცვლის. გულგახარებული მევენახე სიყვარულით შესცქერის მზის გულზე შეფენილ ლურჯად მობიბინე ზვარს, ნაზად რომ შრი-ალებს დილის ნიაფზე.

– მოსავლის ბედი თითქმის გადაწყვეტილია, თუ ბუნებამ გაამართლა, წელს ბარაქიან რთველს უნდა ველოდეთო, – თავისთვის ჩურჩუ-

ლებს... და დილის ცვარით დანამულ მტევნებს სათუთად ეფერება. „ზვარო მტევნებგირი-ანო, გლეხი კაცის სანუკვარო“ – ანაზად პოეტის სიტყვებიც დაედევნა...

მერე ხვამლის მთაზე გადასულ თეთრ ნისლს გახედა, პირველად გადაისახა და კმაყოფილი გაუდგა ბილიკს სახლისკენ.

ა. გურული

მოვუაროთ მთიანეთი

რა ლამაზია თუშეთი-კავკასიონის კალთებთან ჩაქარგული – აქედან ხელისგულივით იშლება ხელთუქმნელი ბუნება, შეიძლება ხმამაღლა შესძახო: სწორედ აქ ფეთქავს სამყაროს გული!

ევროპაში ერთ-ერთი ყველაზე მაღალი სოფელი ომალო. საქართველოს მთავრობის ინიციატივით აქ მთის კვირეული გაიმართა. ადგილობრივებს, სტუმრებს საქართველოს სხვადასხვა რეგიონიდან, ცნობად სახეებს, ტურისტებს... ვის არ ნახავდით აქ. ფესტი-



ვალის მიზანი გახლდათ ძირძველი ტრადიციების არდავინყება: თუშური სამზარეულო, ფოლკლორი და სიმღერა, რენვა, ქსოვა, ქარგვა ქართული ორნამენტებით, ძველისა და თანამედროვეის შერწყმა, დოლი.

ფესტივალს ეწვია საქართველოს პრემიერ-მინისტრი ირაკლი ღარიბაშვილი. მოგუაროთ მთას! – ასეთი იყო მთავრობის მეთაურის მესიჯი სრულიად საქართველოსთვის.

გულით უთხარით ადამიანებს, ვინ ხინკლის მოხვევას სწავლობს, ვინ სხვა რამეს. „ხინკლის ისტორია მარტო მოხვევა არ არის, ეს ჩვენი ხელოვნებაა, ჩვენი კულტურაა,“ „ვინაც კარგი ვართ ცხვარში ვართ, ნაბადში გვძინავს...“ ისმენ ამ საოცარ ფრაზებს და გული სიამაყით გვესება.



მთის ფესტივალს დაბა მესტიამაც უმასპინძლა. მისტიკური მთების ფონზე შესრულდა ძველი სვანური საგალობლები, ფოლკლორის ნიმუშები. გაიმართა მზარეულის მას-ტერ-კლასები.

ზეიმის დამაგვირგვინებელი იყო კოცონი და გალა-კონცერტი.

ულამაზესი რაჭის მთიანეთშიც, მარადმწვანე კურორტ შოში ასობით ადამიანი შეიკრიბა. მთის ფესტივალმა გააცოცხლა რაჭის ისტორია, წარსული, ადათ-წესები და დღევანდელი.



ესა ღაფთაძე
Besik Gogitashvili

ბ. ს. ნა
B. S. N.



- ცხოვრება ლექსი არ არის, წინასწარ რომ დაიზეპირო.
- დაცემა და წამოდგომა ადამიანის ხვედრია.
- არაფერია დამალული, რომელიც არა გაცხადდეს.
- ყველას სიცოცხლე ერთნაირად არ ფასობს.
- შენ მუშაობა ავტორიტეტზე, ავტორიტეტი მუშაობს შენზე.
- მიუხედავად ყველაფრისა, უთხარი (ცხოვრებას – დიახ!

ბოჩქლოლოსნენის მოჩიგი ტრიუმფალური გამარჯვება

ქალაქ ცაგერში, კეჭნარის სკვერში, დიდ ეკრანზე, რაგბიში საქართველო-იტალიის თამაშის პირდაპირი ტრანსლაცია გაიმართა.

რაგბის ლეჩხუმელი გულშემატკივრებისათვის დადებითი ემოციებით დატვირთული საღამო შედგა. მათ საშუალება ჰქონდათ ეს საუკეთესო სპორტული სანახაობა ერთობლივად ენახათ კარგ გარემოში.

ჩვენებს ესწრებოდნენ ცაგერის მუნიციპალიტეტის საკრებულოს თავმჯდომარე **ჭაბუკი ჭაბუკიანი**, მერის პირველი მოადგილე **ალუდა თუთისანი**, განათლების, კულტურის და სპორტის სამსახურის უფროსი **გიორგი კვირიკაშვილი**, მუნიციპალიტეტის სხვა წარმომადგენლებთან და ლეჩხუმელ ახალგაზრდებთან ერთად.

საქართველოს ეროვნულმა გუნდმა მნიშვნელოვან მატჩში გამარჯვება მოიპოვა და იტალიის ნაკრები 28-19 დაამარცხა.

ვულოცავთ ქართველ მორაგბეებს და მთელ საქართველოს ამ დიდ გამარჯვებას!



მკითხველს შეოქმედა

მამა გიორგი მდივანი

მამა გიორგი მდივანი
ლეთისმოსავი და ქვეყანი;
გვარწმუნებს მოძღვრება
თქვენი,
რწმენა ადამიანი.

ქვეყნი

რვაათასს ითვლის
რიცხვი წლებისა,
უძველესია ღვინო ქვეყრისა.
ღვინის აკვანი საქართველოა –
ვაზის კულტურა ოდით გვეწვია.
მართლაც რა საოცარი,

როგორ შენდება მშვენიერება.

ზეშთაგონების მადლია
კაცისგან ქვეყრის შენება.
ქვეყრის თავმოხდა

ზღაპარს ჰგავს,
თითქოს დევსა ვძლევთ „ხაპითა“
მარანიც გვავსებს განცდებით,
განწყობამ რითმა „გაჩითა.“
რვაათასს ითვლის

რიცხვი წლებისა,
და უწყვეტია ეს ტრადიცია
აოცებთ, მოსწონთ, საამაყო
ქვეყრიდან ღვინის

დეგუსტაცია.

თეიმურაზ სალინაძე

რუსთაველის თეატრი ცაგერში



ლეჩხუმმა რუსთაველის ეროვნულ თეატრს უმასპინძლა.

ცაგერის კულტურის ცენტრის სცენაზე წარმოდგენილი იქნა სპექტაკლი „ძუნწი“.


სცენარის ავტორი და რეჟისორი **გოჩა კაპანაძე**.

თეატრის სამხატვრო ხელმძღვანელი **რობერტ სტურუა**.

მაყურებლით სავსე დარბაზმა უდიდესი სიამოვნება მიიღო. თეატრალური ზემოქმედებები კარგა ხანს დარჩება ცაგერში.

ღონისძიება ჩატარდა საქართველოს კულტურის, სპორტის და ახალგაზრდობის სამინისტროს, რაჭა-ლეჩხუმისა და ქვემო სვანეთის სამხარეო ადმინისტრაციის, მუნიციპალიტეტის მერიის და საკრებულოს მხარდაჭერით.

ღონისძიებებს ესწრებოდნენ მუნიციპალიტეტის მერი **გიორგი ნემსაძე**, საკრებულოს თავმჯდომარე **ჭაბუკი ჭაბუკიანი**, მერის მოადგილე **რევაზ ახვლედიანი**, საკრებულოს თავმჯდომარის მოადგილე **გიორგი გუგავა**, საკრებულოს ფრაქცია „უმრავლესობის“ ლიდერი **ონისე ჩაკვეტაძე**.



მე არ ვიცი, არის თუ არა ჩვენს შორის ღვთისმშობლის მადლი და სიყვარული, მაგრამ, ერთი წუთით პატარა რელიგიური სასწაული წარმოვიდგინოთ: ღვთისმშობელმა თავისი ქვეყნის „ხილვა“ მოისურვოს. რას ნახავს?

ნახავს მონობის სენით შეპყრობილ კერპთაყვანისმცემლებს, რომელსაც თავისუფლება ბატონის გამოცვლა ჰგონიათ; ნახავს მდიდარ ფარისევლებს, რომლებიც საჩვენებელ და გამოყენებით ქველმოქმედებას ეწევიან. იმ დროს, როდესაც მათ გვერდით ნამდვილი ადამიანები ნამდვილი სიკვდილით, ნამდვილად იხოცებიან; ნახავს სიხარბისგან სახედაკარგულ კაცუნებს, რომლებისთვისაც სიხარბე უკვე იმ ზომის იდეალისტური თვითმიზანია-რომ შეეძლოთ ორ-ორ საფლავში ჩანვებიან; ნახავს ცრუ ადამიანებს, რომლებიც რელიგიურობანას თამაშობენ და რაკი რწმენის ორგანო ატროფირებული აქვთ, რწმენაც აღებ-მიცემობის საგნად უქცევიათ, როგორც ფართალი, როგორც პოლიტიკა, როგორც სპილენძი, როგორც სინდისი, როგორც მოყვასის ბედი.

წმინდა ღვთისმშობელი ასეთ ქვეყანაზე, გარწმუნებთ, უარს იტყვის. ლეგენდაც დამთავრდება და სიმბოლოც წაიშლება.

ჟემალ ქარჩხაძე,
მწერალი

გაზეთი აიწყო, დაჯაბდონდა და დაიბეჭდა
ი/მ ბაჰარი ჯილაძის მიერ.
მის: ქ. ქუთაისი, ა. წერეთლის ქ. №186

სარედაქციო აოლავია:
თამარ დავითელიანი, მზევინარ ძნელაძე,
ეკა ბენდელიანი, ირმა მუშუელიანი

რედაქციის მისამართი:
ცაგერი, რუსთაველის ქ. №61
ტელ: 551 50 81 50; 598 95 91 11